



Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni
Salaminij lib. 9. Euagrij Scholastici Epiphanensis lib. 6

Christopherson, John

[Köln], 1569

De Mauricij præfectura, & eiuis virtutibus. Caput XIX.

urn:nbn:de:hbz:466:1-12718

qum manibus eripuisse, & tam ingentis populi multitudo-
nis furorem pedetentim sedauisset: Siquidem ita factum
est, ut neque ullum atrox facinus eorum manibus edere-
tur, & Anatolius primum in amphitheatro bestijs exposi-
tus, ab eisdem dilaniaretur; deinde ageretur in crucē. Neq;
tamen ita finem suppliciorū sibi infiectorum repperit. Nam
lupi corpus eius in terram disturbantes, (quod ante nunq;
visum fuisset) pastu crudeli membratim deuorarunt. Erat
autem quidam ē nostris hominibus, qui prius, quam res
istae confectæ essent, dixerat, se secundum quietem vidisse,
sententiam contra Anatolium ac suos à populo latā. Quin
etiam vir illustris, qui Imperatoris palatio p̄fuit, qui que
partes Anatolij acriter admodum tuebatur, dixerat quoq;
se vidisse Deiparā Mariam, eāque sic ipsi locutam: quo usq;
defendis causam Anatolij, qui tum me, tum filium meum
tantis onerat contumelij? Sed de his hoc modo.

De Mauricij præfectura, & eius virtutibus.

Caput XIX.

TIberius, Iustino mortuo, corona decoratus imperato-
ria, Iustinianum honore propterea spoliat, quod non
tam feliciter atque antea cōtra barbaros depugnaue-
rat. Duce in verò Orientis designat Mauritium, qui & ge-
nus & nomen traxit ab antiqua Roma: verū ob parentes,
ex quibus proximè oriundus est, Arabissum urbem Cap-
padociæ patriam agnouit. Vir erat prudens, ingeniosus, in
rebus quibusque diligens, animo constans ac stabilis: ipsa
vitæ ratione & moribus compositus, beneque cultus. Ven-
tris etiam cupiditates sic coercuit, ut non modò rebus ne-
cessarijs & facilè parabilibus, verū etiam alijs omnibus,
quibus vita intemperans se insolenter efferre solet, absti-
nuerit. Vulgus hominū nō facile admisit ad colloquiū: ne
que aures cuiusq; sermonibus patefecit, quippe qui sciret
alterum contemptū, alterum assentationem parere. Raro se
adeundi concessit potestatem, eamque non nisi vehemen-
ter oratus largitus est. Aures sermoni superuacaneo obtu-

Qq 3 rauit,

E V A G R . H I S T O R I A E

ravuit, non cera, vt est apud Poetam, sed ratione, vt illa pro clavi existeret, quæ eas hominum sermonibus commode tum aperiret, tum occluderet. Inscitiam autem matræ audiæ, & timiditatem, quæ ei vicina & finitima est, sic abs depulit, vt in temeritate periculum, in cunctatione securitatem esse censeret. Quippe fortitudo & prudentia, quæ in eius animo insidebant, sic ferebantur ad res gerendas, sicut temporum momenta postulabant, habensque petitionis ita direxerūt, vti usus rerum requirebat, adeo vt in ea tum remittenda, tum intendenda modus quidam & moderatio conseruaretur. Sed de hac re postea accusatius disputabimus. Nam quam egregius quisque sit, & qualem naturam moresque habeat, ex eius imperio considerandum est: quæ una res hominem solet perspicue, qualis sit, ostendere: quandoquidem cum libera sit ei vivendi potestas, ea, quæ sunt in animi domicilio recondita, omnium oculis subjicit ad contemplandum.

Iste Mauricius cum bellum in exteris regionibus gereret, ciuitates & arces Percis accommodatissimas cepit, tantumque prædam inde auexit, vt insulas, vrbes, agrosq; diu ab hominibus desertos, captiuis, quos abduxerat, completeret: terramque quæ ante cultura omnino caruerat, iam sedulo coli efficeret: atque adeo ex illis hominibus ingenitem cogeret exercitum, qui contra alias gentes valde viriliter & excuso animo dimicarunt: denique quanque familiam domesticis ministerijs impleret, quoniam captivi quam minimo comparari poterant.

Quod Mauricius Chosroem & Adaarmenem Persarum duces superauit. Cap. XX.

Porro autem idem Mauricius cum præstantissimis qui busque Persarum, vt pote cum Tamo Chosroe & Adaarme, qui copias ingentes ad bellum faciendum ducebant prælijs decertauit. Verum quo modo, quoque tempore, & qua fortuna res istæ ab eo gestæ sint, vel alij literis persequantur, vel nos in alio opere separato, præsertim cum in opere, quod in manibus est, alia rum re-